

平
播
全
書
一



平播全書
二



平播全書
三



平播全書
四



平播全書五



平播全書
六



平播全書
七



平
播
全
書
一

李化龍 著

中
華
書
局

平
播
全
書
二

李化龍
著

中
華
書
局

平
播
全
書
三

李化龍 著

中
華
書
局

平
播
全
書
四

李化龍
著

中
華
書
局

平播全書五

李化龍 著

中華書局

平播全書 六

李化龍 著

中華書局

平
播
全
書
七

李化龍 著

中
華
書
局

叢書集成初編

平播全書 七冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

平播全書敘

上之二十有八年，御史大夫兼司馬督府李公，帥師平播，已馳露布，獻俘闕下。上嘉悅，令從公次第諸文武功，及區畫善後事，咸備疏俱上。諸大夫以公經略西南，文告檄書，與先後諸疏，皆足詔來祀，垂不朽也。以屬守南大參王君編次爲卷，凡十五。鏤成謂不佞悌久在行間，與觀其盛，不可無言以弁其端。悌也不類，曷足識公之大，獨念是書也，鳴主上中興之盛，錄平蠻將吏之功，備矣。出師才百十四日，關兩郡二千里封疆，奏二百餘年所未得志於西南夷盛事，紀之太常，自有國家祚土分茅彝典，敷矣。公也不自功，且無樂人鳴其功，亦何庸敘。唯是元機睿算，石畫淵猶，所繇速於底績，足以泣鬼神而舒宵旰者，有其本之。文檄不載也，悌日奉輶繇，不披吐萬一，以彰往鏡來，嗣茲何攷焉。夫靈武之師，朔方以靖，元菟之捷，屬國以全，播不聞乎，而敢逆顏行，雖其井觀嶠負哉，然猾酋也，豈自給若爾，固有所恃矣。今天下曷易書播也，易曰高宗伐鬼方，三年克之，以商道赫焉中興，舉一鬼國，尚淹三年。孔父所謂億也，史稱楚頃襄王遣莊蹻略巴黔，漢武帝遣唐蒙開夜郎，然蹻卽王滇，自爲聲教，蒙入笮關，猶閉昆明，唐之南詔，乍臣乍叛，罷敵中國，蓋漢唐之盛已然矣。楊端取播於南詔，而世守之，八百年來未以易也。無論宋元卽我明運方開，羣稜大抗，百蠻君長，重足嚮風，日所出入之邦，靡不獻琛納寶，然傳穎川率二十四將軍南下善闡，其所削平，自段明而外無聞焉。鎮黔馬都督燁威，襲羅夷，不獲自完，首領正統間麓川之役，用兵五十萬，三往十

閱年而思祿猶據孟養嘉靖初思田之役始勦終撫而盧蘇竟追天誅令襲威聞爲西南夷觀哂播酋覘之所自逆也白石口而後震黔楚危三川脫復滋蔓諸蠻生心滇南數千里非國家有矣此豈小故也哉公弱冠魁海內振鐸梁魯稱絕唱入貳問政銀臺旋以中丞節撫遼至則有鎮武之捷賊首虜千數進貳司馬於是公文武兼才爲世推轂無兩矣移養歸來東山之望勃勃中原以播之弗靖西南鼎沸主上採輿望特從田間起公授總督川湖貴州節得便宜行事賜尙方劍偏裨以下不用命者誅以徇文武無大小遠近惟部署兵馬錢糧器械惟調度公迺提三尺擁六傳建三藩節制於錦水之陽賊揣且勦又欲張威挾撫也遂屠城戮將渝州且空城以避勢甚岌岌公陽爲詰責緩之而陰積糧治器程量軍實選將集兵課期分路計定方移節渝州登壇誓師八路徂征時賊欲衝突乎固未易矣悌由洮河來度棧閣遵錦江延見父老旁及興阜言播甚悉罔不人人難播也謂婁山諸嶮五丁莫開海龍園高千仞難躋似以徒費兵力終歸一撫耳悌曰唯唯否否及抵渝侍公吉語日聞捷音狎至會知名渠魁非獻首轅門則稽顙戲下破關克峒如振落發蒙則何也公厲敏豁達急戎機則倚馬數檄坐策千里當敵會拔狐兔則懸結跼躍羿羅蠻長爭前驅先徵調則秦越滇廣齊魏燕士奮戎行治芻餉則舳艫銜尾絡繹肩駄效飛輓犒卒伍則牛酒魚鹽薪蒸糗糒充宿飽拯疾厄則醫藥湯散金創疫癘濟緩急壯軍威則五帥貳師八路斬關揚熊虎聯兵勢則總一監司歃血誓盟申要束而又陷陳摧鋒縣重賞破關克坵崇世官大將受餌機厥職貳師觀望責以死中軍勒限取其元賞信若萬戶及躬罰必若三尺在頸至於二帥壁後閱月未拔